

ጾኑሲ ማደ"ም ዳኪንቴ የሐኪሴኮ ሃይሣሳ ኪሊቶ" ዓይጾ ካሮ"

የሐኪሴኮ ሃይሣሳ ኪሊቶ" ጻገፔሢ:- «ጾኑሲ ማደ"ም ዳኪንቴ፣ ጋርቻሢ የሐኪሴ» ማዳዛ፣ ጻገፔንቴሢ:- ጋይዮሴ ጌይንታፎ ሸኢጲጾ ማኣሮ ዓሶ ዎይሣሢምኬ፤ ሃሮ" ኪሊቶ" ጻገፔ ዓሢ ፔቴ" ዛሎ"ና ጋይዮሴ ኪሪሰቶሴ ጉሙርቃ ዓሶ ማኣዴ"ሢሮ ዒዛ ጋላታኔ፤ ባጎ ዛሎ"ና ጊንሣ ዲዮጻራጻሴ ጌይንታ ጌኔ ማዳ ዓሢዳፓ ፔና ካፓንዳጉዲ ጋይዮሴም ኬኤዛኔ።

ማጻጻፍ ሊጻጻፍ ማዳ ሳርቄ ባኮ

ዓይጾ ካሮ" 1-4

ጋይዮሴ ማደ"ሮ ጋላቶናሢ 5-8

ዲዮጻራጻሴኮ ፑርቶ ማደ" ኬኤዛናሢ 9-10

ዲሚጻራሴም ኬኤዛንቴ ባኣዚ" 11-12

ጋፕንሢ ሃይሴ 13-15

1 ታና፣ ጋርቻሢዳፓ ዳኪንቴ ኪሊታ፡- ታ ኮሺ" ናሸካ ጋይዮሴም፤

2 ታ ዒጊናሢዮ! ኔኤኒ ዒያሮ ናንጎና ኮሺ ዓኣሢ ታ ዔራኔ፤ ዬያጉዲ ሃሢ ናንጋ ኔኤም ኮሸካንዳጉዲና ዑጻኣ ኔኤኮ ኮሺ ናንጋንዳጉዲ ታ ሸኢቃኔ።

3 ፔቴ" ፔቴ" ኑ ዒሸንሢ ሙኪ ጎኑሞም ኔ ጉሙርቄንታያና ሃሣ ጎኑሞና ኔ ናንጋሢ ማርካዳንቴ ታ ዎይዚ ሚርጌና ዎዛዳኔ።

4 ዓይጎሮ ጌዔቴ ታኣኮ ናኣታ" ጎኑሞና ናንጋሢ ዎይዚፓዓቴም ማሌ" ባሺ ታና ዎዛሳ ባኣዚ" ባኣሢሮኬ።

ጋይዮሴ ዛሎ" ማርካዳንቴሢ

5 ታ ዒጊናሢዮ! ዎዚ ዔያታ ኔኤም ሸኣቺ ማዔቴያ ዒሸንሢም ኔ ጉሙርቄንቲ ማዳኔ።

6 ዔያታ ኔ ዔያቶም ማዳ፣ ናሹሞ ማደ" ዛሎ" ኪሪሰቶሴ ጉሙርቃ፣ ዓሶ ዲቦ" ቤርታ ማርካዳኔ፤ ሃሢያ ጾኑሲ ዎዛሳ ጎይሢና ዔያታ ፔኤኮ ጎይጾ ዓኣዳኣና ኔ ዔያቶ ማኣዴ"ቴ ኮሺኬ።

1:1 ዳኪ. ማደ" 19፣20፤ ሮሜ 16፣23፤ 1ቆሮ. 1፣14።

7 ዔያታ ኪሪሰቶሴም ማዳኒ ኬሰካዖ፥ ዓይሁዴ ማዒባኣ
ዓሰይዳፓ ፔቲ"ታዖ ማኣዶ ዴንቁባኣሴ።

8 ጎኔ ማዶ ኑ ዋላ" ዔያቶና ማዳያ ማዓንዳጉዲ ዬኖጉዴ ዓሶ
ማኣዳ"ንዳያ ኑና ኮይሳኔ።

ዲዮጭራጭሴ ፑርቲሲ ዲሜዲሮሴ ኮሺ" ጌሰቶና ጌኤሲ

9 ሓያኮ ቤርታ ሺኢጲዖ ማኣሮም ታ ኪኢታ ፃኣፔኔ፤ ጋዓንቴ
ሺኢጲዖ ማኣሮ ዓሶ ዎይሣያ ማዓኒ ኮዓ፥ ዲዮጭራጭሴ ታ ማሊዖ
ዔከባኣሴ።

10 ዬያሮ ታኣኒ ዒንሣ ኮይላ" ሙካዖ ዒዚ ኑና ጫሽኬሣና
ቶኦኮ" ኑኡኮ ባይዘሣ፥ ሃሃ ዒ ማዳ ፑርቶ ማዶ" ቢያ ዓሶ ቢያሣ
ቤርታ ታ ኬኤዛንዳኔ፤ ዒዚ ማዳ ባካ ዬያ ሌሊቱዋሴ። ዒ ፔ
ቶኦከና ዒሾንሣ ሾኦቹንሣ ዔካያቱዋሴ፤ ሜሌ" ዓሳ ሃሃ
ሾኦቹንሣ ዔኩዋጉዲ ላኣጋኔ፤ ሺኢጲዖ ማኣሮይዳፓኣ ዳውሲ
ዔያቶ ኬሳ"ኔ።

11 ታ ዒገናሣዮ! ኮዣሣ፥ ማዳ ጎይዖ ማዳ፤ ፑርታሣጉዲ
ማዳፖ። ኮሺ ማዳ ማዳይ ቢያ ዖኦሲ ዓሲኬ፤ ፑርታ ማዶ ማዳሣ
ጋዓንቴ ዖኦሲ ዛገባኣያኬ።

12 ዲሜዲሮሴ ዛሎ" ዓሲ ቢያ «ኮሺኬ» ጌዒ ማርካዳኔ፤ ጎኑም
ፔኤሮ ዒዛም ማርካዳኔ፤ ሃሃ ኑኡኒያ ዒዛም ማርካዳኔ፤ ኑኡኮ
ማርካዳዳ ጎኔ ማዔሣ ኔ ዔራኔ።

ጋፒንሣ ሃይሴ

13 ታ ኔኤም ፃኣፓኒ ኮዓ ባኣዚ" ሚርጌ ዓኣኔ፤ ጋዓንቴ ቢያ ፃኣፒ
ጋፒሳኒ ታ ኮዑዋሴ።

14 ዑኬ ታ ኔና ዛጋንዳኔ ጌዒ ታ ጉሙርቃኔ፤ ዬኖና ኑ ዋላ"
ካኣሚ ጌሰታንዳኔ።

15 ኮሹም ኔኤም ማዖንጎ፤ ኑኡኮ ዒሾንሣንታ ሚሾንሣንታ ማዓ
ዓሳ ኔና «ኮሺዳ?» ጋዓኔ፤ ኔኤኒያ ኑኡኮ ዬካ ዓኣ ፔቲ" ፔቲ"
ዒሾንሣንታ ሚሾንሣንታም «ኮሺዳ? ዒንሣ ጋዓኔ» ጌዔ።

Maale New Testament
The New Testament in the Maale language of Ethiopia
copyright © 2007 Bible Society of Ethiopia

Language: (Male)

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

PDF generated using Haiola and XeLaTeX on 22 May 2026 from source files dated 13 May 2025

48f5fdf1-90d6-5bff-b666-a2b8b5d20de1